



國家清史編纂委員會・文獻叢刊

清代詩文集彙編



國家清史編纂委員會・文獻叢刊

清代詩文集彙編

《清代詩文集彙編》編纂委員會 編

上海古籍出版社

清代詩文集彙編 七〇八

蘅華館詩錄五卷附存一卷 王 韜 撰 一

弢園文錄外編十二卷 王 韜 撰 七五

弢園尺牘十二卷 王 韜 撰 二五九

弢園尺牘續鈔六卷 王 韜 撰 三八九

儆季文鈔六卷 黃以周 撰 四五三

怡雲堂內集一卷怡雲堂戊子集一卷怡雲堂雜文一卷

怡雲堂詩草一卷 沈保靖 撰 五四九

灌園未定稿二卷 傅懷祖 撰 六五三

自知齋詩集十卷首一卷 黃長森 撰 七一九

蕪湖詩金

觀宸



庚辰仲夏
刊於天南
遜窟

序

詩緣情而作也夫人必有不能已之情然後有可以傳之詩而世乃分唐別宋尊杜慕韓斤斤然矜體派標品格自以爲工舛矣抑亦隘矣紫詮先生富於學卓於識逸於才著作等身不以詩名而觸事感情聲華揮毫百篇立就或莊或俳忽正忽奇時而陵紙怪發時而絃外音流脫盡叮嚀自成杆楠先生之言曰予不知其爲詩也祇自寫其情之不覺已焉耳嗚呼此所爲不必以詩名而詩卒不可及且可歷久彌傳也去歲遠游東瀛與其國之文人學士交酬唱甚多懼日久稿或散失遂取生平諸作彙成一集付諸手民凡友人贈和者亦並附焉蓋以見文字之交一往情深而纏綿之致款治之誠流露於不自知即千百載後展卷低徊昭然若揭也且夫

蕪華館詩錄序

改國藏書

惟其餘於情之外者乃有味乎詩之中古之人矢口謳歌豈預計流傳於後世而以情感情遂不得不推爲絕調則知詩無工拙以有真性靈真情韻爲工拙或謂先生遺蹟晦迹抑鬱無聊以詩自遣方今朝廷求賢若渴將有人焉力爲推較俾得奮於天衢施於當世元微之曰雖蟲小技壯夫不爲此集之成非先生性所安也噫果若所云則情滯於境而移於物矣以是言情其情必僞以是爲詩其詩可知俾少爲飢所驅驅承庭訓不敢耽於韻語以俟有用之光陰此中甘苦自趣悉屬茫然顧見世之以門戶判詩以典籍填詩甚或以剽竊險隘敷衍其詩心竊愧之光緒紀元之歲獲交於先生由是以道義相切劘數年如一日故知之獨詳因泐數言俾讀先生詩者知其梗概焉庚辰端午愚弟番禺洪士偉拜序

自序

余不能詩而詩亦不盡與古合正惟不與古合而我之性情乃足以自見余足不出里巷目不覩邱墳所與交接者又絕少當世通人名士方弁鄙自愧何敢言詩不惟不敢更何足以知詩然竊見今之所爲詩人矣摺摺以爲富刻畫以爲工宗唐祿宋以爲高摹杜範韓以爲能而於己之性情無有也是則雖多奚爲慨自雅頌降爲古風古風淪爲律體時代既殊人才亦變自漢魏六朝迄乎唐宋元明以詩名者殆不下數千家後之學者難乎繼矣詩至今日殆可不作然自有所有爲我之詩者足以寫懷抱言閱歷平生齟齬顯顯如在同此風雲月露草木山川而有一己之神明入乎其中則自異矣原不必別創一格號稱初祖然後翹然殊於衆也余自少讀

新華館詩錄 自序

張國叢書

詩自古作者以逮 本朝諸大家皆欲討流源窮其自趣久之益知作詩之難及長雖有所作未敢持以問世惟願涿愈明經師楊醒遺茂才稍稍見之以爲可存竊嘗謂所貴乎時者與苟同甯立異必自淺之深由曩而精歷觀古人作亦有不盡佳要其研精殫力積數年十年而後成自有一方面目在夫豈徒以絳章節句爲事哉性情之用真而學問亦寓乎其中然後始可與言詩矣余今年二十有二歲積詩凡數百首要不盡可存但願質諸天下後世之能詩者以共相印證可也道光二十九年己酉夏四月下旬蘅華館主識於甫里行素園之南窓

張國老民自傳

老民姓王氏素居蘇州城外長洲之甫里村即唐陸天隨所隱處也老民以道光八年十月四日生初名利賓十八歲以第一入縣學督學使者爲案中張筱坡侍郎稱老民文有奇氣旋易名瀚字懶今遭難後避粵乃更名翰字仲發一字子潛自號天南遜叟五十後又曰張國老民老民世系本出崑山王氏有明時巨族也族中多有位於朝明末兵事起吾家閩門殉國離始祖必憲甫在垂髫逸出存一線自此至晉侯貽孫載陽居崑凡四世並讀書習儒業有聲庠序間載陽諱鵬孫品端學博尤爲士林所推重以早世子尙幼戚串中有覬覦者乃遷甫里大父諱科進字敬齋習端木術篤厚慎默見義勇赴鄉里稱善人父諱昌桂字肯堂一字雲亭著籍學

新華館詩錄 張國老民自傳

張國叢書

官邃於經學九歲盡十三經背誦如流有神童之譽家貧刻苦自勵教授生徒足跡不入城市老民上有三兄十日間俱以痘殤歿於武林遂生老民老民幼時屢夢屠佛像魂自能從泥丸宮出入十餘歲後始止自少性情曠逸不樂仕進尤不喜帖括雖勉爲之亦豪放不中繩墨既孤家益落以衣食計不得已棄筆灑上時西人久通市我國文士漸與往還老民欲窺其象緯輿圖諸學遂往適館授書焉顧廷樞至一十有三年則非其志也灑上雖爲全吳盡境而富南北要衝四方冠蓋往來無虛日名流碩彥接跡來遊老民俱與之修士相見禮投臨贈紛無不以國士目之中如姚梅伯張嘯山周張甫龔孝拱其交尤密西館中時則有海甯李壬叔寶山蔣劍人江甯管小異華亭郭友松並負才名皆與老民爲莫

逆交惟是時事日艱寇氛益迫老民蒿目傷心無可下手每
酒酣耳熱低掌雄談往往聲震四壁或慷慨激昂泣數行下
不知者笑爲狂生弗顧也金陵既陷爲賊窟而滬上亦以閩
粵會匪起戕官據城老民思出奇計以復之卒不能發憤抑
鬱患略而疾幾殆咸豐八年徐君青中丞開府吳中與老民
固有文字之契老民以和戎防海弭盜三大端進言前後上
書十數通皆蒙優答十年金陵大營潰賊竄吾吳常鎮蘇太
同時俱陷東南半壁至此糜爛四郡村鄉亦蹂躪無完土老
民於是志愈孤心彌苦方捧上官檄督辦諸鄉團練老民知
其食詐畏怯萬不可恃屢上書當事代畫方略言過切直當
事外優異而內足嫉之顧所言頗見施行多能見効其最要
者以西人爲領隊官教授火器名曰洋鎗隊後行之益廣卒

衡華館詩錄

毀園老民自傳

二

毀園藏書

以此收復江南然用其言而仍乘其人并欲從而中傷之此
老民之所以扼腕太息痛哭流涕長往而不顧者也維時賊
於蘇鄉逼設僞官立董事皆土著人暴飲橫征僞卡林立老
民固素識諸董事密相結納說以反正言曾帥善用兵祇以
方剿上游未遑兼顧今安慶已復援軍旦夕必至不可不自
爲計因激以忠義勉以功名令諸董事入賊中說願目結內
應皆有成說其點者亦從而徘徊觀望老民密縱反間使賊
黨互相猜貳自煎羽翼諸內應者多急欲見功勢頗可乘而
當事者遂以通賊疑老民禍且不測聞者氣沮老民急還滬
上猶思面爲折辨願久之事卒不得已航海至粵旅居
香海自此敲門削跡雪意治經著有毛詩集釋專主毛氏後
見陳碩甫毛氏傳胡墨莊毛詩後箋遂廢不作同治二三年

聞李宮保方大第克復吳中郡縣老民代粵人某上書宮保
陳善後事宜并言詎遠情師長技自致富強之術頗蒙采納
六年冬西儒理君雅各招往泰西佐譯經籍遂得遍遊域外
睹國覽其山川之詭異察其民俗之醇濃識其國勢之盛衰
驗其兵力之強弱道經法都得瞻其宮室之壯麗士女之便
娟塵市之駢闐財物之殷阜與英之倫敦並峙稱雄同爲厥
洲巨擘焉既至英土居蘇格蘭之西境其地近北極少燠而
多寒春夏之交微夜有光而山水清淑巖壑秀爽遊履所至
殊足娛情適志九年二月還粵此三年中老民以孤身往還
數萬里嘗登危樓以眺望決目極天蕩胸無際波濤消其壯
志風雨破其奇懷未嘗不感憤身世悲憫天人擊碎唾壺淚
泫泫墮也老民既還自泰西當事頗有知其冤者或貽書勸

衡華館詩錄

毀園老民自傳

三

毀園藏書

其出山或欲託人招致幕下老民俱謝不往豐順丁公一代
偉人也尤賞識老民謂當今通達時務熟諳外情莫若老民
爲之揄揚於南北諸大僚於是諸大僚始稍稍知有老民者
嗚呼此老民生平第一知己也老民固極思感激馳驅以報
知己而憂患以來精氣消亡才華零腐既不能上馬殺賊下
馬草檄又不能雕篆文字刻畫金石以稱頌功德徒爲
朝之棄物盛世之廢民而已辛未秋普法戰事起七閱月而
後定老民綜其前後事實作普法戰紀是書雖僅載二國之
事而他國之合縱締交情僞變幻無不畢具於是談泰西掌
故者可以此爲鑑惟倉卒秉筆或患冗蕪尙有待於異日之
重輯而老民自知其必傳於後無疑已癸酉香海諸同人醵
貲設印局刊行日報延老民總司厥事老民著述乃得次第

排印光緒五年己卯老民作東瀛之游藉以養宿痾潏煩慮
取道滬濱放櫂金閶得重見故鄉風景潤別二十年矣真覺
城郭則是人民則非有丁令威化鶴歸來情況及身而重閱
滄桑生還粉梓固老民初念所未及料者也既至日東遍歷
崎嶇神戶浪華西京諸名勝居江戶者十旬遍交其賢士大
夫一時執賢請受業者戶外履滿壺觴之會壇坫之開無日
無之唱和諸作頗有豪氣中又爲日光山之游遍覽諸瀑布
窮其幽邃老民將歸日之賢士大夫餞別於中村酒樓星使
參贊以下至者百有餘人日人謂自開國數千年來所未有
也老民久居粵東意鬱鬱不歡恒思歸耕故鄉卜居於莫釐
鄧尉之岡築三楹之屋拓五畝之園藏書數萬卷買田一二
頃徜徉誦讀其中優游卒歲以沒吾齒願是願卒未能遂豈

衡華館詩錄 張園老民自傳

四

張園叢書

非天耶嗚呼老民雖流徙遐裔僻處荒蕪而瞻懷家國未嘗
一日忘嘗言此十數年中時局一變髮檢回苗悉數蕩平左
帥用兵新疆擴地數萬里功震寰中威行徼外赫然見中興
盛烈然而泰西大小諸邦叩關互市輒以兵力佐其商力所
至各埠設官置戍蜂蟻相望每挾其所長從而凌侮我求必
應請必遂一旦齟齬環而伺我者數十國腹心肘腋間遍布
森列幾於國不可爲國矣嗟乎此蓋誤於羈縻之說而駕馭
未得其宜也近者日併琉球俄據伊犁我國家並持節往問
而時虞失和勢且岌岌老民外感於時勢之艱難內憤於措
施之顛倒舊疾陡發誠使祈死得死亦復何憾老民有弟曰
利貞字叔亨一字諸卿讀書未成名而卒年僅二十有七有
姊曰媛字伯芬嫁吳村周氏癸酉六月先老民而逝老民妻

楊氏夢蘅名保艾字臺芳娶僅四年沒於滬續娶林氏名琳
字懷衡一字冷洽經歷患難中與老民同甘苦老民無子有
女二長曰婉字若仙歸吳興茂才錢徵早殞次曰嫻字樺仙
生不能言嗚呼老民既無子矣而復奪其女不解造物者所
以待之抑何刻酷至斯哉自始祖必憲至今二百四十餘年
七葉相承五代單傳僅得男子十有五人老民以下有從姪
三人相繼夭沒於是自明以來巍然碩果僅存老民一人而
已天之所廢雖能興之天不獨厄老民而或將并以壽王氏
也恐王氏一線之延至老民而斬矣噫嘻不大可痛歟尤可
異者曾王父娶於沙氏大父娶於李氏父娶於朱氏其家並
無後老民弟娶於夏氏娶於林氏亦已不祀祖姑嫁於汪伯姑嫁於曹宗
絕如繼繼娶於林氏亦已不祀祖姑嫁於汪伯姑嫁於曹宗

衡華館詩錄 張園老民自傳

五

張園叢書

秩址絕老民族黨無存密親蓋寡側身天地形影相弔豈天
之生是使獨歟老民每一念及未嘗不拔劍斫地呵壁問天
也老民少承庭訓自九歲迄成童畢讀羣經旁涉諸史雖說
無不該貫一生學業悉基於此自後奔走四方無暇潛心默
識矣父在未嘗盡一日養奉母居滬上扁舟道路甘旨缺如
而母氏絕無不豫色但易以忠義節廉而已老民母固知書
識大體四五歲時字義都由母氏口授夏夜納涼率爲述古
人節烈事老民聽至艱苦處輒哭失聲因是八九歲即通說
部吳門既亂母氏憂形夢寐逮老民遷羅奇禍母氏竟以憂
殞其生老民以此積慘終身痛欲剗心曠難糜體雖仍偷息
人世不可復爲人矣老民於詩文無所師承喜卽爲之下筆
輒不能自休生平未嘗屬箋恒揮毫對客滂沛千言忌者咸

嘗其出之太易至於身遭謫訪目擊亂離懷古傷今憂離甲
逝往往歌哭無端悲愉易狀天下傷心人別有懷抱也老民
邇來深倒頽唐百事俱廢去冬略血至今未愈日在藥爐火
邊作生活深懼一旦溘然平生著述必爲人拉雜摧燒因先
將詩錄八卷檢付手民其餘藏於行篋者尙多不足供餽
覆版因病得閒聊自料理所著有春秋左氏傳集釋六十卷
春秋朔閏考三卷春秋日食辨正一卷 皇清經解札記二
十四卷瀛壖雜志六卷普法戰紀十四卷四溟補乘三十六
卷法志八卷懷志八卷英志八卷西事凡十六卷癸廬餘談
十二卷火器說略三卷乘桴漫記一卷扶桑游記三卷海陬
治遊錄七卷花園劇談二卷老絮贅語十六卷遜宜齋言十
二卷弢園文錄八卷衡華館詩錄八卷弢園尺牘十二卷都
衡華館詩錄 弢園老民自傳

六

弢園叢書

二十有二種生而作傳非古也老民蓋懼沒世無聞特自叙
梗概如此光緒六年夏五月下旬弢園老民藏於天南遜宜

詩評

采采流水蓮蓬遠春仙才妙筆由於天授七古尤見才氣豪
邁橫掃千人蓋作者胎息於韓杜探源於風騷汎濫於溫李
元白融會而貫通神明而變化之青邱秋筵之間何難別樹
一幟壬子夏荷月朔日華亭弟張鴻卓讀於滬城客邸并識
清新流宕雅近靈芬加以麗藻可躡溫李堂奧今人不必不
如古人於吾弟益信天下才一石吾弟暑盡之僕亦磊落自
負固不僅於長短句中討生活也雙賢星一無所就言之
慨然近於此事亦不大作矣弟詩必成名家僕將來或附吾
弟以傳則幸甚壬子首夏七日新陽顧惺惺蘇氏識
瞿曾情諸什綺麗纏綿具見錦心繡腸玉溪生不得專美於
前矣壬子仲夏十一日海甯李善蘭讀畢識

衡華館詩錄 詩評

弢園叢書

詞鮮月露思入風雲精銳走雷霆聰明淨冰雪其才固是不
凡壬子六月朔日華亭雷葆廉拜讀一過於海上詩集燈唇
并識數語以示欽佩

大筆清靈婉約深得靈芬神髓惟靈芬於宋人乞靈尊作於
晚唐入手樹骨實勝鏤而巳何難駕靈芬而上之甲寅孟
夏再讀一過於西人仙樓居寶山蔣敦復拜讀

意境超脫吐屬韶秀非絕世才華那能臻此江甯管嗣復讀
竟勝識

鉅稿淡冶秀蒨大有中唐人意境七古氣骨雄健思力沈著
尤不易及餘姚弟周白山讀後識

古詩俊逸近體秀麗其中精練處直欲頡頏晚唐所謂筆墨
之外自具性情吟咏之餘別深懷抱吾聞甫里遠山蒨蒨綠

水迴環魯望而後必有才人於此益信時庚申重九小窓獨坐風雨淒然再讀一過書以志喜邵陽魏彥拜識
霍去病不好陣法岳鄂王惟事野戰仲發詩境竊謂似之然有時長槍大戟中而仍復細鍼密縷則賢者固示人以不可測也湘鄉左樞讀過謹志

仲發於學無所不通於詩亦無體不工五律多深穩七律多清秀五古兼參選體七古縱橫跌宕是善香於杜陵老者每讀一過輒爲擊節上元澄之弟孫文川拜讀并識

集中諸體皆工清麗芊綿似溫李排弄奇崛似杜韓至於激昂慷慨悲壯淋漓則又詩中之豪也才大如海固自無所不有陽湖沐憲弟吳新銘拜讀并識

少作綺麗纏綿自是才人本色至於身經患難目擊亂離則
新華館詩錄 詩評 二 我園叢書

哀思愁音空溢而出其蓄之也有素則發之也有自杜陵詩史夫何間然讀竟極具三拜陽湖弟周發甫騰虎讀畢謹識
清麗似金荃豪放似玉局憂國傷時悲涼感慨則似杜陵仲發詩境無所不包此謂健者秀水弟次公孫融讀後謹識
詞多偏宕孔文舉意主悲涼庚子山此郭靈芬句也請移以評仲發之詩秀水弟于辛伯源拜讀并識

清麗芊綿渾雄卓犖兼而有之一時作者惟江東老劍可與抗衡旅窓夜雨挑燈讀之頓忘客居之感集中少作已自出人頭地敢請出示全詩以豁眼界庚申三月上旬陽湖管貽芳讀一過謹識

飛文揚藻采絢葩流自是君身有仙骨世人那得知其故光緒元年四月朔日侯官林昌彝讀一過并識

統觀全集以靈慧之思運邁往之氣於亂頭亂服中見天姿國色始取徑于靈芬上追坡谷而秀韻則出唐人至窮愁亂離更遭奇禍境愈苦筆愈著則杜陵之憂傷柳州之怨艾合而爲一沈鬱頓挫卓然名家光緒五年冬十月望日吳縣楊引傳讀過并識

越南黎嗣顯首敬啟紫詮先生閣下猥枉文旌兼頒雅意感荷之私不可言狀承示滬上感事四詩迴環雋誦如挹清芬諸作詞句雄渾情志憤激筆下有若飄風急雨之颯至而一腔憂時愛國之心懇款殷拳溢於言表益令人嘆息弗置夫春鳥秋蟲物候之感乎詩者也山風海月境地之宜乎詩者也惟有心人能一一以神明入乎其中發爲歌章芬芳徘徊迴異尋常嗚呼人生於世才與遇乘則叱咤風雲刻畫金石
新華館詩錄 詩評 三 我園叢書

贊襄鄂治鼓吹休明以先生富之矣豈異人任哉先生器識宏深才猷遠裕經濟之學抗古超今即使聯翩直上揚世德而振輿科亦意中事耳何乃鴻冥蟬蛻物外天全豐於才而奮於遇蓋未有如先生者也以先生之才曾不見用於世未知造物者是誠何心豈天以厄之者成之歟抑蛻而豹藏深潛高蹈而不爲世網所縶歟此非鄙人思擬之所能及也
關恭承簡命有香海之行自來三年於茲南闕五雲鈞留在夢簡書是凜夙夜愍惶懼職守之難循歎世途之多巖逆旅寒燈蓋有不勝嗚咽者忽得是詩不覺胸中根觸感慨繫之惟是一行作吏此事遂廢案牘倏忽筆研荒蕪極首燃髭苦不成吟古人有云覓句天應問狂搜海亦枯其調之謂乎不揣弁陋率次元韻以博大方一笑三春行盡轉醞輕寒伏祈

慎護眠餐爲道自重

越南潘炳頓首拜手奉書紫詮廣文先生閣下炳銜命出使
兩臨百粵今春猶小駐於香海韶光易邁芳序屬和花農竹
候喟然有洛沂風霽之思適蒙惠以佳蓮奉揚之下如絕仁
風對使拜登感荷無量使者既退臨惠清坐朗誦所書四詩
初不知爲何如也三復之餘風調適逸意興清微如錦繡纂
組相鮮以爲色官商角羽互合以成聲不覺令人心脾俱爽
古人有言曰詩以窮而後工是作也歌離甲夢而憫世思君
之心溢乎言表以視楚臣出塞漢姜辭官諸作其悲涼激楚
尤爲過之是豈不窮不足以見先生之工哉夫博雅版築願
巷軍驅聖賢韻事獨有千古如先生者可以希之矣先生博
物洽聞富有經濟當代名公鉅卿皆稱之爲末易才洵知人
衡華館詩錄 詩評

四

張園叢書

贈詩

閱仲張詩率成五十八字 新陽顧 惺潑齋
不負狂名卽酒名劉又韓似先生海天涼月愁無際吳苑
秋風客獨行落魄十年還劍氣抗歌中夜裂琴聲買同李白
從來少敢說吾詩老更成

贈張華館主

崑山孫啟榮笠舫

高才夙譽欲疑年傾倒明珠錦瑟篇鄉里無多憐我在名山
有待附君傳自慙放逐爲遷客坐對清新想謫仙珍重今時
留息壤也應早蓄買山錢

相逢行贈沐重仲張

江甯何 詠梅屋

應海喧闐無可語斗大城中吾與汝邇來人事多倥傯况復
十日九風雨消愁君就杜家康論戰我思越處文有時拔劍
衡華館詩錄 贈詩

張園叢書

新地歌天壤王郎定相許王郎知名已十年賣文海上囊無
錢不似張翥心鑒空但憑驢衍口談天酒酣狂叫尋吳質醉
倒便藉華陰眠袖中奇句輒心賞豈獨神交寶劍篇人生幾
得團沙會是處相逢可傾蓋濯纓何必覓滄浪把袂未妨邀
阻僧行脚無端墮霧中影頭徑欲游天外水仙不奏海山絃
萬竅一聲鳴地獄

調仲張

江甯何 詠梅屋

王郎三十好青春家在吳東住滬濱大隱愛招三島客小文
神似六朝人崑山片玉休論價滄海遺珠豈合貧我亦江湖
來泛宅願傾十萬買比鄰

謹呈子潛先生四律

嶺南蘭亭舊酒徒

之子清華擅相逢在海濱萍隨風所適葵願日常親素志稱

奇士雄心付逸民論交千里外遮莫有前因

忠憤寸衷繫他鄉念 帝京中原嗟逐鹿率土孰封鯨駿業

思憑賦鴻才欲請櫻櫔懷篇什富詩句羨長城

亂世才多忌滄江寄此身龍雖潛勿用螭詎屈難伸詞賦賸

班馬遺逢異渭莘玉成天意在豈遂老風塵

大造無寒歲焉知松柏心風濤堅晚節身世托知音著述千

秋重艱難十載深道映堪自樂安用問升沉

贈天南遜叟

松濱老圃楊引傳

鑄成此錯復奚言聊復潛踪似避喧大海應成水仙操夜郎

難白李生冤等身文字工新製滿目蓬蒿憶故園末卜一燈

重聚首秋蟲切切語空繁

長歌五百字奉贈紫詮妹丈 吳縣楊引傳醒道

蘅華館詩錄 贈詩

二 張園叢書

少文山水遊向平婚嫁事百願具未了俄已成衰邁初夏草

木榮欣欣盡生意古梅丈人行無復好風致飄蓬離本根同

岑忽殊地寄我一封書相贈多珍異皎皎明鏡心惓惓盍簪

誼文采更斑爛羅巾與香被其物既瑰奇其情彌懇摯女子

將有行云爲添篋荷振觸舊時懷言之輒歎歎我妹昔事君

自慙百不備我婦出妝奩一一代籌計荆布稍光華坐待香

車至絳帳舊生涯青箱故門第與君爲親串來往無猜忌推

時各少年議論爭意氣青雲富致身自命廟廊器人事竟乖

忤百憂催老大妹既早夭折我婦亦憔悴世亂起干戈投淵

竟殊碎豈風一夕來櫻芳怨凋墜杜鵑枝上紅滴作眼中淚

彈指二十年何事不堪喟君女早長成已得乘龍婿我女雖

穉弱送之將結輓溯其垂髫時各已失所恃慘淡白楊風不

驚花姊妹偷生我與君已近知非歲懷惱百無成盈頭生雪

刺君尤違奇禍幾爲虎口餌脫身東入海快哉拓眼界遠窮

二萬里不數張驚使異域雖云好豈得久留滯歸居粵海濱

冠裳雖推髻年年有書來自述不得志偉士秋向炎頑山春

不翠文士況寥寂不得佳釀醉坐此起鄉心和屬落天外故

園竹樹蕪先塚松楸敗一二舊知交不死亦已艾何時得相

見登堂重設拜惆悵望南雲何以遙相慰勸君作遠觀胸中

洗滌芥著作既可傳精神亦宜愛當其鬱結時長歌聊取快

疎狂獲罪戾天心終必悔金雞下夜郎感屬重歡會更製黃

絹詞引取外孫戲競折忘憂花獻與老人戴

感遇言情五言詩四十韻寄呈紫詮外舅先生

烏程錢 敬昕伯

蘅華館詩錄 贈詩

三 張園叢書

舊夢長洲苑新居錦石巖巖翻惟自恨買誼只傷離燕鶴生

先異麒麟早不凡何曾才是累未免病于詒器許經盤錯心

字長險碧雄文擊縠虎健筆邁驚鳳陸海初傳箭長星仰見

樓無聲天墮狗有力地生靈大局先驅缺孤城復鼓僂開張

元武陣浩蕩白龍移玉帳方論術金人偶失械管蠅俱止棘

射雄孰爲嚴挺走無殊鹿狂奔有類覺石梁浮遠遠銅柱轟

嶼嶼市隱春堪賃炊虛釜不駭高歌惟洞壑異味得毛賊事

竟同張儉人誰有李嚴回看曾飯破不語爲碑銜海運從魚

徙天空任鳥鵲長途七萬里托命一孤帆顧影笑如燭逢人

態似顰乾坤容噓傲世界更嶄嶄盡日仍彈缺堦春或舞欸

思歸魂望國執別手慘慘下士邛和匪嘉烟玉比城元珠遺

棄置散木謝雕剗菱落雙蓬鬢粗疎一老饒翻將鸞鵲顧許

效燕喃雅誼惟當佩魚書定幾函論文殊沆瀣味道酸
城柳舞須驚喚花嬌仗蝶機何時承聲款與訪舊松杉埕徑
延三益誅茅築一影青甍王氏物白柄杜家機杞菊前身賦
芙蓉麗士衫生涯歸筆墨世網墮杯械鉢擊從催句樽開肯
立監煩襟千疊辭往事一簾芟息壤盟斯在明神鑒至誠令
修期共勉底用問巫咸

紫詮先生寄示近作卻寄 新甯余堯壽雲眉

新詩讀罷望南州太息騷人百事憂鳥爲驚弓勞遠翮魚從
脫網泄中流功名已屬雲隨眼髮髮何堪雪滿頭翹首秦鞭
應早返繞朝心緒重山邱

走偏天涯不見人用贈一山交遊到處氣嶙峋悲君絕域孤

淚愧我頻年獨客身賈誼有才空抱負馬周未遇困風塵

衡華館詩錄 贈詩 四 張園蔬書

英雄落拓非無賴肝膽猶將古道親

讀諸詩後寄呈一律卽步集中頻年原韻 番禺李光璇星衡

蠻觸山川事日非可堪吸雁半流離長城信有著生託遜寔

宜酬故國知莫漫畎人猜叔子端防軼我過西師瀛壖指顧

圖方略赤手安瀾在轉危

奉贈仲弢先生 古端州羅兆庚蓉洲

久仰厚風甚渴饒龍門今日得瞻依胸懸金鑑由天授筆捲
銀河作雨飛入世肝腸成木石對人談笑盡珠璣蓮花幕內
朋多少才學如君我見稀

偶成四律奉贈兼以留別 滿洲延 舉桂山

生花一管絕塵埃海內羣鷺未易才蓋世經綸偏不遇憂時

懷抱幾曾兩高吟白雪今無曲浪說黃金舊有臺迹跡天南
緯底事美人香草鎮堪哀

斯人未合老嚴阿經濟文章兩不磨幾見浮雲遮日月從知
平地有風波性因能定竊愁憤才到稱奇坎呵多古道行行
離共語畫長空唱飯牛歌

英雄失路復誰憐絕域西來別有天遠騎夜郎唐李白親逢
織女漢張騫九歌鬼向山中泣一笑人從海外還贏得難林
聲價重梯航爭番買詩錢

鍊金端勝買新絲合鑄揚州杜牧之顧我獨醒邀我醉別君
太速識君遲淒清風雨番番應遠迨近關山夢有知擊碎唾壺
涼夜永碧天如水易相思

奉贈紫詮廣文二律 萍鄉文星瑞樹臣

衡華館詩錄 贈詩 五 張園蔬書

去國曾經萬里游感時翻抱百年憂苦將清議持危局暫把
空言當運籌同甫文章傳異域魯連意氣動諸侯蒼蒼自是

千金品最仗何人藥籠收

自信生平第一流逢君今日合低頭名山事業爭千古滄海
襟期隘九州敢屈軍諮王景略豈徒書記阮陳留古來材大

難爲用會見 明廷側席求

奉贈紫詮廣文卽以留別 越南陳希曾望沂

生平少年日井蛙何太拘不憚天海隔一爲長風遊白雲石
嵯峨珠江水淪流烟霞合墨鬱霄漢撐羅浮趙臺與劉關千
古餘山邱勝引得王子雋爽今真仇遜跡天南富竹素相優
游著書有戰紀精微獨旁搜同緯繆五嶽筆力傾全歐風會
如轉九列國爲春秋縱橫數萬言前箸無遺籌馮煥歎長鈇

季子傷敵袁君才亦二子富貴非所求問君似君志當爲天下憂胡乃處林壑孑然一身謀君言堯舜世下亦有巢由人生各有命馳逐竊所羞鯢鰓潛北溟蘭芷生芳洲燕雀豈相識蕭艾非其儔極學子富卓犖才子優坎軻遇子困落拓境子幽雖然又何怨雖然又何尤不朽有盛事佳人惟信修愧我樗櫟材佐國無鴻猷中外界天塹東南風馬牛荆州此一挹親見五鳳樓殷勤接軟語緝段將何酬須臾惜分手臨風懷去留各勉日新志聲氣永相投寒潮湧素月天路長悠悠

讀紫詮廣文大箸寄呈

汀州賴其勤慧生

君不見海上騎鯨七萬里蛟宮蜃窟等遊戲足跡能令遍地球方稱世間奇男子又不見少年讀破萬卷書俯仰流俗留

新華館詩錄

贈詩

六

張園叢書

真吾古人不作誰知已任教呼牛呼馬呼狂奴文章浩蕩驚海國壯志顛連困磨竭此生本爲著書來底事當年輕投筆香海波濤一港幽片帆無恙且勾留寄語江東諸父老耻作溫嶠第二流先生醉後歌代哭飄泊天涯愁畫粥甌牖猶得記餘譚磨煤光炮三更燭先生醒來哭當歌相繼文字罪東坡莊駭胥是謫言耳崎人寄託說傳說嗚呼有才不遇竟如此薦福難得孔文舉天之報地非無情厄君之遇彰君名君不見武陽侯程將軍灌夫視之不值錢一文

賦呈紫詮先生用感事詩原韻

越南潘炳九霞

關山難越道途脩海上乘槎暫此留欲寄隴梅疏驛信怕聽窓竹戰宵秋登樓幾度空懷古紉句何人獨道愁莫道乾坤正多事四方已慶甲兵休

越王臺畔暮雲昏無際波濤湧海門已見囊錐鷹寶氣誰將匣劍拭塵痕江湖不棄謀臣略君上當事多見施行草莽常懷聖主恩憂患須知天意厚玉成利器辨盤根惆悵風流往事空人生遇合聽蒼穹定知湖海多雲雁不遠關山帶雪鴻大地環觀馳騁域外歐洲變局貯胸中歸來重補衡茅集何日東山起謝公

賦呈張園先生

嶺南王 驚月槎

同壇樹幟獨超倫海內羣欽學識真構思風雲窮變態揮毫花草門精神登龍自昔稱佳士造鳳於今識可人章句尋常

新華館詩錄

贈詩

七

張園叢書

何足道知君景畧是前身露白蘆蒼寄夙思清輝咫尺隔天涯葵忱獨抱三秋感荆範徒嗟半面遲詩思每隨潮信長琴心只許夜燈知近來時事關懷甚幾度携樽欲問疑

奉贈紫詮先生七律四首

古猷州吳廣霖綴

廿年飄泊越南翕駭戩飛揚意態雄白也世人皆欲殺鳳兮吾道豈終窮難消斫地悲歌氣儘有登樓作賦風恰恨生才才不用由來多事是蒼穹

一卷新詩集衆芬高樓風雨感君文名山早擅千秋業健筆能開萬里雲本自多情同白傅那堪蠻語學參軍飛鴻避彈翔寥廓不替人間燕雀羣碧海茫茫萬古流興來遙泛日邊舟閒尋覓蓋風流跡且結

盧敖汗漫遊姓氏俄驚蓬島偏驚花都付錦囊收少微此夜生芒角百丈文光犯斗牛

愧我同爲東海客卑官抗俗走塵埃狂奴久已樓時忌笑口何期爲子開白壁青蠅常足浼美人醇酒亦堪哀敬亭山色珠江月落落囊中兩霸才

七古一篇奉贈天南遜叟

嘉應廖錫恩樞仙

神山雲氣瀟而深神山芳樹鬱森森雲欲暮兮春在樹信思空谷之足音我住神山已三月舊雨不來今雨歇俄傳門外客星臨天南遜叟前通謁遜叟舊是吳中豪樹幟職壇意氣高一朝被謫遜南服看花飲酒快遊遨遊遨到處人爭識七萬餘里經西極蓬萊神把手招桂帆又指扶桑國船至神山十日留西都名勝甲蜚洲真山真水真圖畫付與才人筆

舊華館詩錄

贈詩

八

張園叢書

底收昔讀君詩感君遇今日逢君爲君訴立身須自定千秋那管旁人來毀譽志存忠孝報君親不在爲官在爲人德行本根文藝末高曾矩矱師先民刻楮雕蟲徒小技風雲月露詞何靡君才實大出緒餘愛國憂時是詩史杜老浣花陸劍南天南遜叟鼎而三他時刻就東游集寄與神山俗吏探

賦呈紫詮先生

日本龜谷行省軒

雄心欲著祖生鞭遊徧歐洲路八千慷慨談兵辛棄疾風流耽酒杜樊川世無知己堪惆悵天付斯才豈偶然新史好藏東海外芙蓉峰翠鬱雲烟

卽席贈張園先生

日本川田剛堯江

漫遊乘興上輪船來泊扶桑日出邊詩述等身人未老風塵逐跡肯將仙豈求靈藥入三島欲訪逸書存百篇莫怪相逢

傾蓋入令譽夙自藝林傳

奉贈張園先生卽和堯江韻 嘉應黃遜憲公度

神山風不引迴船且喜浮槎到日邊如此文章宜過海其中綽約信多仙司勳最健言兵事宗憲先聞籌海篇團扇家家詩萬首風流多被畫圖傳

奉贈仲張廣文步塲江原韻 餘姚沈文俊梅史

東泛滄波太乙船直追樯木斗牛邊誰知勾漏山中叟來訪盧敖海上仙蠻觸新書成戰紀源平遺事入詩篇雞林買客爭相問不讓香山萬古傳

賦贈張園老民

日本增田貢岳陽

叩轅獻策靖邊氛未見酬庸報夙勳組練三千吳市甲背鬼五百斤家軍遊人常下南荒淚遜跡空瞻北關雲自古奇材

舊華館詩錄

贈詩

九

張園叢書

終有用偉人江表定推君

讀紫詮先生詩文集賦呈

日本吉田大郎

觀瀛歐西興未休飄然又作海東遊風時詩句擬諸將大觀詩五言論勢文章洞五洲故國鶯花應入夢殊鄉風雨豈無愁獻酬倡和新知足好醉江頭小酒樓

讀紫詮先生詩文遙寄一律

日本山本居敬

逸氣飄然事遠游滿腔才思湧江流詩過續續歸於淡文極癡辛得自由渡海客來傳著述超羣風人競覓賡酬操觚嘆老世皆是惟有先生未白頭

寄贈紫詮先生次吉田大郎韻 日本牧田彥作

先生豪氣死難休幾度東西境遊明月秋高懷遠浦驚風夏半夢香洲詩人謝山以賦詩橫槊何多感把酒看天特破

愁笑我平居作牛後呼盃獨上庾家樓

聞紫詮先生西來賦此寄呈 日本秋永照麟

不擬蓬萊探藥船東航探勝賦詩篇山浮富士千年雪日湧
扶桑萬點烟時境悲涼同島佛文才跌宕比坡仙元亭如許
停車訪欲結將來問字緣

即席賦呈紫詮先生 日本石川鴻齋

驚見文星照海東才人遠近盡趨風公超到處門爲市孫綽
從來賦最工步詠花陰傾玉榼坐吟月下撫焦桐只看鳳鳥
翔千仞難縛中原結網中

宏名聶耳恰如雷何幸今朝共舉杯台嶽雲深仙客杳江城
日麗碧桃開衣冠夙謝三公草莽還占八斗才更羨胸中
富文史飄然駕鶴下蓬萊

新華館詩錄 贈詩 十 弢園藏書

席上呈弢園先生 日本狩野良知

逍遙海外作國遊足徧東西歷數洲意氣乘風濤萬里文章
經國業千秋功名不願記雲閣轍跡且期周地球猶有謫仙
絲末了何妨詩酒託風流

賦呈弢園先生即以志別 日本中洲三島毅

孤帆千里抵雲天采藥來留蓬島邊江左賊由奇策定泰西
戰待鉅文傳交情不隔道猶古吟骨惟疑人是仙何事秋風
促歸去騶關一曲入離絃

聞紫詮先生將歸賦此寄呈 日本中村正直

飄然乘興日東遊才學如君之匹儔筆役風雷多逸氣胸羅
星斗足奇謀久思對榻縱談未能肯命車來訪不那忽忽匆
分手去天涯好會再難求

即席賦呈并送南歸 日本湖山長應小野

幾度飛鸞賦遠征大西洋又大東瀛却嗤霞客游踪窄最愛
雲臺學術精芳草綠波他日夢紅絃珠唱此時情也知新著
刻成近署否老夫賤姓名

席上呈紫詮先生兼送南行 日本巖谷修誠卿

光怪驚看太陸離泉源萬斛湧文思杯槃對酌猶新鐵肝膽
相投即舊知品紫評紅溫尉什傷春惜別杜陵時賤名喜入
柳州筆探勝見山憐手時

聞紫詮先生將行寄呈 日本本多正嗣

夙聞吳地有詞仙萬里遙浮徐福船早識文章關至性獨從
忠孝得真詮問奇誰識揚雄字獻策長留賈誼篇莫厭天涯
淹滯久相邀爭殷主賓筵

新華館詩錄 贈詩 十一 弢園藏書

奉贈天南遜叟 日本明鹽阪谷素

乘槎破浪走龍圖想是東游逸興多自古奇才遭貝錦平生
至性託黎渦欽名欲下涪翁拜憂國時聞杜老歌丹酒如泉
瀉塊壘 淹留且養碩人藎

席上賦呈紫詮先生 日本丸山鑽子堅

扇影花香畫樓酒邊涼意暑初收縱橫詞筆貫天地磊落
胸襟凌斗牛羈客情懷迨杜牧新橋風物勝揚州流連只合
長今夕楊柳如春月似秋

翌日再呈重用前韻 日本丸山鑽龍川

高蹈常輕萬戶侯乘槎又作海東游媚山明水入吟眼關兩
長風牽客愁夙曠著書神既往相違傾蓋意先投他年我亦
西行客詩酒追隨君許不

席間賦呈紫詮先生

日本關根凝堂

天子呼來不上船，舟乘棹萬里忽飄然。震中時刻三千首，海外名傳二十年。餘事觀風仍紀俗，高情憫妓又參禪。揚州花月寥寥甚，久待豪遊騎鶴仙。

奉贈張園先生即送其歸粵

日本龜谷行省軒

人中之龍文中虎，張園先生即同甫。張膽明目論時機，赤日鐵鞭披雲觀。粵賊凶險滿乾坤，激昂獻策叩轅門。雄志未伸賊未滅，橫罹奇禍銜深冤。一朝決策遊西畝，長風萬里逐鸞搏。英雄割據尚未已，虎視龍驤互相吞。與亡古今幾感慨，抽筆憲前鬼哭喧。歸來頭白不稱意，飄然又到扶桑地。聞說扶桑有逸書，欲搜小西識奇字。余亦東海一狂夫，氣凌虹霓才本迂。讀君萬卷歸齋餅，空餘傲骨老窮途。相遇論交江樓夕，

蘅華館詩錄

贈詩

三

張園藏書

綠酒淋漓披肝鬲，興來起舞蛟龍驚。詩成金箋紅袖擊，潑墨直傾長江水。揮劍擬鎗遙山碧，忽聞騷詞激秋風。白雲慘澹雁橫空，一別萬里恨參商。幾時追逐學雲龍，君言丈夫一世歎。鯁肉精神應注著，述中嗚呼青紫紛紛不足論。何如開拓萬古之心胸。

從神戶寄和張園老民

古猷州吳廣需瀚濟

仙雲冉冉集蓬山，且向林花一解顏。我愧東遊樓世網，君應南去閉柴關。高談落帽驚飛鳥，急電穿櫺慄小鬟。煮酒英雄今在否，幾回懷古看刀環。
天生名士紹風流，世事無勞借箸籌。避禍田橫猶島國，談兵杜牧自揚州。驚心作客但三載，稽首求仙向十洲。閑立高風同拍手，酬他肉食運奇謀。

海頭遙指白虹生，灑酒勞君進一觥。學劍漫愁無利器，攻詩直欲比長城。王孫乞食渾無賴，阮籍狂歌太平舉。世滔滔誰與易天教，沮溺好同耕。

湖海元龍氣自豪，眼中今日見王韜。論心不覺傾三雅，養勇何妨挫一毫。辭臥有時懷管樂，笑談無語及蕭曹。東方桃李君栽偏，贏得浮名北斗高。

贈紫詮先生

番禺梁敬晉少亭

西遊已倦候東遊，遊遍瀛環大九州。海上三山歸巨眼，天涯萬國數從頭。不聞杜甫依嚴武，應有常何薦馬周。無奈小儒多詐舌，五都羣詭夜光投。

寄呈紫詮先生以志景仰

嶺南王 驚月槎

鴻才自古出鴻儒，經濟文章曠世無。雄辯天生王景略，妙詞

蘅華館詩錄

贈詩

三

張園藏書

人美阮元喻平生，意氣空千載。遠道烟波夢五湖，羞向終南趨捷徑。誰知抱負有明珠，花落閒庭草滿除。問奇有客此停車，匡時愧我空談策。垂世難君獨著書，望氣竟從三島外。知音還在七絃餘，東山不奪蒼生願。終見商霖展夙儲。

余將北游津門席間賦呈張園先生并以言別

日本曾根俊虎瞻雲

去年聞君靖洲京，詞壇遠近傳君名。今年見君海國城，綺筵跌宕懷君情。目光如電氣蓋世，議論叱咤風雲生。君言讀書不得意，願顯如許無所成。君昔壯遊萬里外，西鄰冰海東蓬瀛。阿蘭觀日叩真宰，扶桑濯足恢前程。煥背三千祕文字，胸中十萬藏甲兵。惟君襟懷多磊落，懷書志圖澄清方今歟。

亞相並峙厥勢強弱難抗衡藩籬盡撤屏障失譬如大厦將頽賴我思古昔益慷慨時欲呼天鳴不平中朝與我唇齒國結好況是稱同盟一心併力足禦侮國體何暇爲門爭君之所見與我合有如鸞鳳鳴同聲東來倉卒不久住高樓置酒送我行檀槽急向富筵奏異方聞樂心怦怦我今別君請自愛慎毋痛飲如長鯨北游燕趙多奇士厝沽意氣輕公卿彼自悲歌我擊筑酒酣各自抒愚誠明年春風二三月萬楊柳絲千花明我將與君再相會當須一飲三百觥更爲喚取雙明娥親煩玉手彈瑤琴一曲既終意未盡掛帆自此賦長征君雖不遇慎勿疎隱居坐待天晴亨

小住香海感成四律奉贈 漢軍玉仲蘊 謹

山陬海澨記游蹤選勝搜奇見此翕拔劍一時同斫地高談

四座可生風倘論豪氣應千古誰向詞壇角兩雄笑我悲歌同阮籍猖狂端不爲途窮

天涯執手一長吁時局翻新異古初仗節未能降冒領快心幾見龔扶餘虛言桑景橫磨劍實事南狐直筆書

大語 話到百端交集處酒酣抵掌意躊躇

紛紛海若忽揚塵漆室燈昏太息頻議論難爭秦典客縱橫惟見魯行人誦詩三百談何易下筆千言倘有神材不材間無位置敢將蹤蹟感沉淪

早知文字誤平生楊意難逢眼未青狂論敢緣知己發罪言休使外人聽沈酣典籍歸無用餽餼醺醺悔獨醒胡蝶夢周原爾爾且隨海運徙南溟

金時潤

新華館詩錄總目

卷一

古今體詩一百四十八首

卷二

古今體詩一百三十一首

卷三

古今體詩八十一首

卷四

古今體詩七十九首

卷五

古今體詩一百三首

卷六

古今體詩一百三首 續出

新華館詩錄總目

毀園叢書

右詩五卷都五百四十二首光緒庚辰五月下旬遜叟編次既竟付之手民嗚呼余敢以此自信爲詩而竟欲問世哉惟是三十餘年來境遇閱歷悉在於是展卷披吟髣髴可憶存之聊足以見我性情云爾余行年五十有三矣日月逝於上體貌衰於下文章未就事業無成遙望故鄉相隔萬里頭白齒危未有歸期局促一隅嗚呼與倡和親朋既絕嗣續永無魂魄一去同歸秋草以此思哀哀可知已是則因編此詩而淚又不禁涔涔下也